

Je l' fin' de mia pilgrimad'

WENN MEIN STÜNDLEIN VORHANDEN IST



1. Je l' fin' de mi - a pil - gri - mad',
en mi - a las - ta ho - ro,
min hel - pos Vi - a kun - i - rad':
ê - es - tu do, Sin - jo - ro.
Al Vi la kor' e - ten - dos sin,
al Vi mi re - ko - men - dos min:
En Vi - a man' — min te - nu.

2. Jen pekoj miaj sen kompar'
la konsciencon premos,
multegaj kiel sabl' en mar',
sed tamen mi ne tremos.
Pri Via mort' meditos mi,
la ruĝajn vundojn vidos mi;
en Vi, Jesu', mi staros.

3. Mi estas membro, Krist', en Vi,
kaj tio min konsolos.
De Vi separos min neni',
angor' ne plu strangolos.
Mortante mortos mi al Vi.
Eternan vivon Vi al mi
per Via mort' pretigis.

4. Ĉar Vi leviĝis el la mort',
entombe mi ne restos.
Ĉar supreniris Vi en fort',
sen morto-tim' mi estos.
Al Vi finfine venos mi
por vivi ĉiam apud Vi.
Do iros mi kun ĝojo.
5. Mi tiel iros al Jesu',
min Lia amo tegos.
Mi pie dormos plu kaj plu,
neniu hom' min vekos
krom Krist' Jesuo, Fil' de Di';
la pordon de l' ĉielo Li
malfermos, ke ni vivu.

WENN MEIN STÜNDLEIN VORHANDEN IST • EG 522 • GL 658 (str. 1, 3 kaj 4) • kp. RG (str. 1, 3 kaj 4 AÖL) • M: Frankfurt/Main 1569, Tübingen 1591 • germana T: Nikolaus Herman (1560) 1562; str. 5: Köln 1574 • E: Albrecht Kronenberger 2008

Sub la titolo «Antaŭ la morto» en DIA REGNO n-o 5 (872) 2008, p. 120